

«Бадамша мектеп-бөбекжай-бақшасы» КММ
Жас педагогтер мектебі жұмысының жүргізілуі жөніндегі мәлімет

2023-2024 оқу жылында мектеп бойынша жалпы 6 жас педагог бар. Оның ішінде 3 педагог: Марина Куанышқызы Курбанғалиева, Серик Бауыржанович Садыков және Гулназ Куанышбайқызы Баймуратова мектебімізге биыл келіп отыр. Оларға бұйрық бойынша тәлімгер тағайындалды:

- М.К. Курбанғалиева бастауыш сынып мұғаліміне тәлімгер ретінде Г.А. Тастемирова;
- С.Б.Садыков ағылшын тілі пәнінің мұғаліміне тәлімгер болып Ж.Б.Базарбаева;
- Г.К.Баймуратова мектепалды даярлық сыныбының тәрбиешісіне тәлімгер ретінде У.Е.Касимова;
- Е.А. Ефремова дефектолог маманына тәлімгер болып С.В. Короткова;
- Ж.Р.Булатова ағылшын тілі пәнінің мұғаліміне Жубаниязова Г.П.;
- А.С.Шибает дене шынықтыру пәнінің мұғаліміне Ж.К.Курманбаев тәлімгер болып тағайындалды. Әр тәлімгердің жылдық жоспары бар, мектеп директорымен бекітілген.

Аталған педагогтер мектепшілік, аудандық және облыстық шараларға белсене қатысады. Аудандық кітапхана, Жастар ресурсы орталығының шараларына қатысып, жүлделі дипломдармен марапатталды. Облыстық «ББЖМ-не дайындық процесінде интерактивті технологияларды қолдана отырып, оқушылардың функционалдық сауаттылығын қалыптастыру» семинарына М.К. Курбанғалиева, «Жас ұстаз: табысқа апарар жол» тақырыбындағы ІІ өңірлік форумына Е.А. Ефремова, Г.К.Баймуратова қатысты. «Ерекше білім беруге қажеттігі бар балаларды оқыту мен тәрбиелеудің заманауи технологиялары» біліктілікті арттыру курсынан С.Б.Садыков, Ж.Р.Булатова, Е.А.Ефремова, А.С.Шибает өтті. Бастауыш сынып мұғалімдеріне арналған «Алтын Тұғыр» республикалық олимпиадасының аудандық кезеңінен М.К. Курбанғалиева жүлделі 1-орын алып, облыстық кезеңге жолдама алды. Тәжірибе жинақтау мақсатында жас педагогтеріміз басқа педагогтердің сабақтарына қатысады, «Сабаққа қатысу журналын» жүргізеді. 23 қараша күні «Особенности разработки заданий СОР и СОЧ» тақырыбында тәлімгер, педагог-зерттеуші М.С.Сагимбаев семинар-практикум өткізді. Оқу мақсаты мен сабақ мақсатын дұрыс қою, оған жету жолдарын көрсетті. Дескрипторды қалай құрады, сабақ барысын қалай тиімді ұйымдастырады, қандай әдіс-тәсілдерге көп көңіл бөлу керектігіне тоқталды. Блум таксономиясын көрсетіп, оқушының оқу деңгейінің түрлерін атап өтті. Жас педагогтердің сұрақтарына жауап беріп, электронды түрде материалдар таратты.



Жас педагогтер мектепшілік, аудандық, облыстық және республикалық шараларға белсене қатысады. 2023 жылдың 12-20 қазан аралығында "Табысты педагог-көп қырлы идеал" атты байқауының бірінші кезеңі бойынша жас педагогтер, О.А.Габдулкадиров, А.М. Мамбетова, М.Д. Есеркепов, П.Е.Кұнай, А.А.Ұзақғалиев пен А.С. Шибает ашық сабақтар өткізді.



2023 жылдың 02 қарашасында "Табысты педагог-көп қырлы идеал" атты байқауының екінші кезеңі өтті. Байқауға қатысқан қатысушылар екінші кезеңнің шарты бойынша өздерін креативті түрде таныстырып, ситуациялық сұрақтарға жауап берді. Шығармашылық тұрғыда өз өнерлерін паш етті. Әділқазылардың шешімімен байқаудың екі кезеңінде де педагогикалық шеберлігі мен шығармашылық қабілеттерін жоғары деңгейде көрсете білген жас педагогтер жүлделі I,II,III орындармен және аудандық кәсіподақ ұйымдары комитетінің төрайымы Г.С.Байменшинаның арнайы сыйлықтарымен марапатталды.



2023 жылдың 14 желтоқсаны күні ҚР Тәуелсіздігі күніне орай 9-11-сынып оқушылары арасында патриоттық тәрбие беру мақсатында қазақтың аса көрнекті ағартушысы, қоғам қайраткері, ақын, жазушы, жалынды көсемсөз шебері Міржақып Дулатовтың шығармашылығына арналған «Азаттықты аңсаған ұлт көсемі Міржақып Дулатов» атты музыкалық-әдеби кеш ұйымдастырылды. Мектептің жас мамандары театралдық қойылым арқылы көрермендердің назарына «Бақытсыз Жамал» романынан үзінді, «Оян,қазақ!» атты өлеңдер жинағын негізге ала отырып, ақынның туған елін оятуға ұмтылуын, Алаш қозғалысының белсенді қайраткері болғанын жеткізе алды.



Тәуелсіздік күніне және "Жастар Кеңесінің" ашылуына орай әскери-спорттық ойындар өтті. Мектебіміздің жас педагогтері "Арлан", "Бүркіт" және "Жас қыран" командалары болып жарысқа түсті.



Жыл қорытындысы бойынша дене шынықтыру пәнінің жас мұғалімі А.
С. Шибаявқа спорттағы жоғары жетістіктері үшін аудан әкімінің Алғыс хаты берілді.



2024 жылдың 03 қаңтарында тәлімгерлер Г.А.Тастемирова мен У.Е.Касимова жас педагогтермен семинар-практикум өткізді. Семинар-практикум барысында ТЖБ (тоқсандық жиынтық бағалау) мен БЖБ (бөлім бойынша жиынтық бағалау),

калыптастырушы бағалаудың жүргізілу ережесі түсіндіріліп, сабақты тиімді өткізу әдіс-тәсілдері көрсетілді.



2024 жылдың 05 қаңтарында мектеп психологі А.Ж. Тайжан мен Н.С. Ивахова жас педагогтермен "Ынтымақтастық түбі-игілік" тақырыбында тренинг сабақ өткізді. Мақсаты: жақсы көңіл-күй сыйлап, ұжымды бірлікке, ынтымақтастыққа, ұйымшылдыққа баулу.



Жас мұғалімдер мектебі аясында жас мамандарды табысты бейімдеу үшін ұйымдастырушылық-әдістемелік жағдайлар жасау мақсатында жұмыстар жалғасуда. 2024 жылдың 14 ақпанда семинар ұйымдастырылды. Семинарды облыстық ПШО жаттықтырушысы және тарих пәнінің мұғалімі Сағимбаев Мурзагул Сахипкереевич өткізді.



2024 жылдың 15 ақпанында біздің жас педагогтер Әбділда Тәжібаевтың 115 жылдығына арналған аудандық мәнерлеп оқу байқауына қатысты: Ефремова Елена Александровна - 1 орын, Шибаев Айдын Сейткалиевич - 3 орын.



Тәлімгер ұстаз Ж.Б. Базарбаева жас педагогтермен семинар-практикум өткізді. Семинар-практикумда дарынды балалармен жұмыс жүргізудің жолдары, оқушыларға жоба қорғауды үйрету, эксперимент жұмысының қыр-сырлары жөнінде айтылып, қосымша ақпараттар берілді.



Мектеп педагог-психологтары А.Ж. Тайжан, Н.С. Ивахова Жас педагогтер мектебі аясында “Өзінді тереңірек тани білу-үлкен жетістік нышаны” тақырыбында арт-терапия, тренинг ұйымдастырды. Мақсаты: Тұлғаның бойындағы креативті ойлау дағдыларын жетілдіріп, ұжым арасында жағымды қарым-қатынас орнату.



2024 жылдың 15-19 сәуірі аралығында мектеп жоспары бойынша білім беру жүйесінде педагогикалық тәлімгерлік үдерісін белсенді ету мақсатында «Жас педагогтер мектебі» апталығы ұйымдастырылды. Апталық барысында еңбек өтілі 3 жылға толмаған жас педагогтер ашық сабақ көрсетті.



«Көркемдік-эстетикалық цикл» пәндері апталығы шеңберінде Жас педагогтермен «Одна голова хорошо, а две лучше» атты семинар-тренинг ұйымдастырылды.



Аудандық «Үздік жас маман-2024» байқауына М.К. Курбангалиева қатысып, Мақтау қағазымен марапатталды.



Мамырдың 24 күні этнос жастары арасында «Тіл - достықтың алтын көпірі» атты облыстық байқау өткізілді. Байқаудың мақсаты: Тәуелсіз еліміздің болашағы – жастар арасында отансүйгіштік, азаматтық сезімдерді қалыптастыру, мемлекеттік жастар саясатын насихаттау, этносаралық және конфессияаралық келісімді қамтамасыз ету. Байқауға қатысқан жас маман, дене шынықтыру пәнінің мұғалімі, Айдын Сейткалиевич Шибаев, барлық шарттардан сүрінбей өтіп, өз білімін, шығармашылық қабілетін жақсы

деңгейде көрсете білді. Белсенділік танытқаны үшін Алғыс хатпен және бағалы сыйлықпен марапатталды.



2023-2024 оқу жылының қорытындысы бойынша атқарған жұмыстары мен алған тәжірибелері педкеңесте талқыланды.

Мектеп әдіскері

A handwritten signature in blue ink, appearing to be 'Э.Е. Баснова'.

Э.Е. Баснова